

沅
湘
耆
舊
集

沅湘耆舊集卷第八十

新化鄧顯鶴湘臯編輯

長沙毛國翰青垣校訂

王安肅純鎔

一首

純鎔字念亭攸人雍正癸卯進士官安肅知縣有
湘筠閣詩集念亭有盛名榮攸閒詩人多宗之惜
其集未見僅存近體一首知不足以盡念亭也

遊隱真巖

我尋仙嶠路縹渺五雲邀礪底寒樵路雲端開士家草侵
丹竈冷松拂玉垣斜惆悵滄江約悠悠未有涯

劉兵備良璧

一首

良璧字

清泉人雍正甲辰進士歷官分巡福

建興泉永兵備道

石鼓書院次昌黎合江亭韻示諸生

石鼓鬱嵯峨蒸湘環右左古木緣石磴殘碑畱餘唾江風
與山月主者賴賢佐今古幾名流聲價倍百貨維昔昌黎
公雲開軒車過迢迢山陽路剛耿志不挫後死者朱張唐
宋遙唱和蚪蚪懸四壁精悍還箇箇一祠萃七賢吾道詎
坎坷屹屹南陽廬抱膝憶龍臥卓哉趙中丞觀兵兼督課
焚膏繼短晷荏苒悲無那抗顏慙腐儒無能起頑懦芸窗
苦績學譬農勤種播諸生無憂貧詩書療饑餓中朝急俊
彥連茹佇相賀石鼓如懸鐸響洪醒慵情試與登樓眺神

爽江亭坐逝者常如斯長風萬里破爲告同心侶無俾塵
滓浼

案昌黎合江亭韻吾楚先輩次和者不一而足幾
成陋習集中遇此種詩雖佳必剛劉分巡止此一
詩見方志別無他
詩可采聊復存之

彭仁化心鑑一首

心鑑字士衡湘鄉人雍正甲辰進士官廣西成化
縣知縣性鯁直以事改補桃源教諭有集

洗筆池懷古

碑殘字蝕幾經秋廟貌森嚴瞰碧洲
象笏還廷心獨苦春池滌筆韻長流
忠羞李勣空阿武義激梁公力反周
正氣棱棱雲海立芳名豈藉腕書畱

劉梧州曄潭 八首

曄潭字湘客號碧江一號達齋長沙人雍正庚戌
進士授戶部主事出爲廣西梧州知府有達齋偶
存稿達齋爲文恪公權之之父與其弟曄澤茗河
同舉進士兄弟皆有詩名

案達齋贈公初官新用訓導故有學齋雜詩

張三中五力耕圖

南畝近吾廬農興偶荷鋤草香經雨溼柳影向風疏
糞裏
糞鹽味懷中秦漢書蒼生須有望莫挽鹿門車

新田學齋雜詩

寂寞山城裏冷然近晚秋故園千里外新月萬峯頭
節物
紛紛改余懷渺渺愁詩篇和酒釀除此未遑謀

獨坐心常遠高唸興不闌蟲聲同歎息花影共荒寒歲歎
一方窘官微八口安西風吹正急隨意理豪端

過景林寺贈雨隨上人

景林寺傍楚湘湄杖錫欣逢惠遠師走遍風塵機已息談
空色相塵頻揮比隣雨暗陶公廟隔岸雲封夏后碑秋水
秋山凝眺處香泉一琰坐栽詩

家君拈江南蒲先生小飲步韻

簾邊醉客正花晨樂事偏宜物外身爲愛淩霜堅晚節不
嫌漉酒溼頭巾青鐙倡和三唐句白髮蕭疎二老人此意
當令陶令解後先同是葛天民

登嶽麓

方洲讀書集 卷第八
尋幽直上北雲岑極目清秋淨客心隔水人煙多氣象半
山松柏自蕭森碑摹鳥跡文章古學憶薪傳歲月深坐久
渾忘歸去遠西風吹面動微吟

寄懷西廷三伯父用來韻

錢塘江上草廬中十載閒居處士風叢菊孤松影澤令感
時憂世杜陵翁論交不恤身將隱借箸應知氣尙雄原注
時終
申之太守復有滇
南之約不獲辭珍重遠書如其話短檠深夜一燈紅

寄曹鳴珮先生

幾度湘城其往還高秋岳色露孱顏詩篇可益煙霞色人
物應推晉魏閒聖代卽今招大隱公才豈合老名山好
從杖履春風外時把丹砂一駐顏

陽教授晚二首

晚字乾一 一字慕六 祁陽人 雍正庚戌進士 衡州府教授 有春風堂稿

雪後遊浯溪

銀海眩奇花 亭臺認非舊 江山幻蓬島 一色瓊瑤鬪蒼梧
雲氣白陰嶺 寒增秀屹立對鴻濛 超然脫塵垢 邈矣天地
閒生乃元顏 後四顧浩茫茫 孤嶼亘宇宙

過熊羆嶺

不因飛步上南屏 誰信熊羆天半青 鳥道直凌煙外路 羊
腸小憩樹邊亭 雲山極目通千里 石棧何年鑿五丁 我欲
雞鳴觀日出 試從絕頂望東溟

唐白河效堯

三首

效堯字衢尊辰谿人雍正庚戌進士官陝西白河知縣有于鵬集

山行觀鐵廠有感

入山不厭深震動駭耳目斧斤奮千夫拉雜摧萬木遙聞
耶許呼積薪路相屬不知五丁力但見四山秃茫茫太古
雲徘徊失棲宿有時霹靂響勢欲撼坤軸似聞蛟龍怒若
有神鬼哭嗟爾亦人子豈不懼傾覆冒險蹈虎阱何如守
犁犢自言田祿薄兼恐催科酷犯死豈得已謀生實不足
君看高冶鑪栽栽巖山麓碧空愁燔灼金穴徹林谷一二
大腹賈居奇走珠玉頑鑛纔出土泉布售已足賴此化遷

功窮民亦沾沐我聞鹽鐵論實聞桑孔術利權操自上未
可競贏縮吁嗟瘠土氓生理日迫感而況金砂場至寶亦
久涸舍本而逐末終非閭閻福願言事春疇努力勤耕牧
作詩諷鄉里兼爲當道告

瀘溪石壁中架木如巢可望不可上相傳爲古時避
兵處也

石壁多奇絕千尋瞰武谿谿衍還百棧凹凸縋重梯行李
隨猿度人煙共鳥棲遙瞻猶膽慄連步况相攜

清浪謁伏波祠

寂寞雲臺畫將軍尙有祠龍螭蟠俎豆風雨護旌旗水咽
明珠怨磯鳴馬革悲還當誇嬰繇莫悔據鞍時

劉御史元變四首

元變字孟調一字理齋湘潭人雍正庚戌進士選

庶吉士授職編修改山西道御史出爲蒼梧道旋

謫南丹州吏目

四庫存目作廣西經歷

復以事被劾謫戍黔

州安置子亨地入翰林援例陳請釋歸有寒香草

堂集四卷孟調性剛不容於衆官御史時都人相

戒避劉御史嘗請增創閤防戍弁兵之守廣博學

鴻詞薦舉之途申直隸佃田滋弊之禁復常平減

價平糶之例俱蒙 俞允謫南丹時義寧苗不靖

決策盡殲其衆芙蓉九寨煽動復親詣苗寨諭降

逆酋感泣剋日歸命卒以忤直忤衆被劾安置黔

州老始放歸可謂百折不回者矣寒齋集有刊本
余往來湘中徧索不得僅從其邑子羅拔貢汝槐
所得近體詩四首以存其概四庫全書存目元
降廣西布政司經歷所著有捫學齋稿梅垞吟篇
什頗多是編古今篇詩僅二百餘首乃其晚年所
自訂也紀文達公時序余年十一二時聞人稱
劉侍御凜凜若相遊者時先生已外謫不及識風
采矣已得與先生之子寅橋侍講共事四庫館
編校乃以先生詩集見示竊疑先生剛直之氣凜
不可觸其文必風號雨溢雷驚電掣又或坎壈抑
鬱多幽憂牢騷之音及受而讀之濫厚和平排惻
忠愛來其一語之韻張
一字之尤忍不可得也

戊寅春紀 恩感懷二首

南冠頻歲戍南蠻萬里羈孤木石頑伏地灰心甘浪死自
天有命賜生還幸全螻蟻知何報欲效涓埃命已慳軼事

憑誰紀流寓二生扶送紫荆關

地老天荒憾隱含孳孳銅狄我何堪
淳于漫藉緹縈女越石終還
髮子驂來日詎勢詹尹卜昔遊都作夢
魂談此生已築苑
發計雲密峯顛古佛龕

用前韻呈諸兄弟

聖恩難報如天溥臣罪當誅但涕潛
況沐榮光施後裔更叨教孝
亦清班客中霜鬢垂垂老病後詩魔
忽忽刪自審
乘愉無好夢感恩負咎總如山

聞樽重到友于飲攜果新分稚子甘
那信知非年望六恰過修禊
月初三園亭花草甯無意月露風霆
舊飽諳爲謝
家園好兄弟此生終不老
照南

陳文肅大受二首

大受字占咸號可齋祁陽人雍正癸丑進士改庶吉士散館授職編修乾隆丁巳大考第一超遷侍讀充日講起居注官遷左庶子侍讀學士晉少詹事遷內閣學士擢吏部右侍郎充經筵講官三禮館總裁尋授安撫巡撫調江蘇福建巡撫升兵部尚書調吏部尚書協辦大學士軍機處行走晉太子太傅署直隸總督終兩廣總督諡文肅特旨入祀賢良公才望素優敷歷中外精明勤慎風采隱然詩不多見僅從方志採摭二首未足爲公重也

題蔣秉翁兩次廬墓圖

春露濃濃秋霜白牛眠山上人深墨紫芝翠柏變枯榮
明視皓皓孤椽側嗟乎純孝真難得三年築室兩居靈
蟄龍驚起唬痕赤瀟水湘水曳練飛朝霞晚霞透空積
此心天地日悠悠平生憾事中宵迫平生憾事中宵迫
酒徧皐魚雙筋直

按雲陵志孝子蔣連字秉祖家故貧父母歿廬墓
側前度凡六年墓側列樹成行有烏五色巢焉鄉
人繪焉圖一時名人皆有題詠以子鳳色貴贈知
縣鳳色子大鵬大鳴大鵬大鴻皆紀於烏誌墓廬
也

鏡石

天地何年鑄風霆幾拭塵惟虛方受物善鑑始如神夜月

懸雙照江花映早春誰言肝膈裏燭處讓先秦

周運判宣猷 十三首

宣猷字辰遠長沙人雍正癸丑進士官桐廬知縣
遷浙江鹽運司運判以敏練稱坐蜚語被劾乾隆
辛未 純廟南巡猷詩復原銜有柯椽詠史諸
集雪舫詩鈔辰遠雅負時名王述庵侍郎昶蒲褐
山房詩話云雪舫長沙名族其子弟以文行兼者
頗多雪舫官浙中久其配爲萬九沙經女故與全
謝山厲樊榭諸君皆稱投分詩集四卷得大歷十
子之遺惜偃蹇下僚迄今無有知之者今求其集
不得僅從選本及友人處錄其古近體詩十數首

中有合歡曲焉支調等篇體物緣情音節瀏亮雖時近於遊戲固無乖於風雅長沙府志載其嶽麓

懷古詩則又似以講學鳴者其詩近擊壤體先後

如出兩手能者固未易測也四庫全書存目提要周宣猷柯按集一

卷雜文五十七篇前復無序跋似未定之稿其後

人錄之成帙也末附陳光嵩所作傳一篇載宣猷

所著尚有史斷史記難字南北史補遺雲集不中

雜韻卷施小章諸編又有風鈴餘韻自序一篇亦

所作詩集今惟卷施小草及此集存餘皆未見雪

舫詩鈔八卷其詩自乾隆辛未迄丁丑分年編次

前七卷音卷施小草後一

卷則南巡紀盛詩也

斷腸花曲

儂亦不化石儂亦不化山秋雨生幽怨無情有情閒葉如

衣花如面夕露沄沄淚珠濺曲闌畔短牆陰待郎歸抱芳

心

老少年行

朝飲顏霞醕暮服紫瓊丹蓬之心兮童之顏東方老兒忘
老醜歲歲長安娶美婦呀紗帽落山香舞三郎手自搥羯
鼓雪掩脣塵掩眸對花不飲花爲羞花前一笑天四周卻
拋拄杖騎青牛

合歡曲

南山有鶉東海有魼兒家院落夕陽樹青青之葉交相於
儂欲摘爲佩綰緒同心帶儂欲釀爲醕傾倒玉交杯儂欲
薦爲枕羅幃熨貼鴛央寢並郎肩踵郎足爲郎繞樹歌一
曲蘂砧莫唱山上山秋風容易凋朱顏

秋蓉怨

湘之水白露零美人旖旎晚江汀一片秋霞寒墮影雲冥
冥愁星星木末相思隔洞庭欲涉不涉無舟楫菰蘆雨打
花魂泣

朝華謠

八千歲爲春八千歲爲秋萬古一瞬息榮悴兩悠悠徐市
逃五利死神仙茫茫煙霧裏行年九十帶索翁何如執戟
汪錡童達哉竹溪稱六逸朝醒暮醉無始終

盤松歌

石孿拳兮雛虎怒蹲松盤盤兮稚蛟當門黃山之雲罩其
頂紫海之泥承其根將毋園叟禁以法使爾長飭玉女洗

雲亦不能挾之
風亦不能攪之
掀月明
蜿蜒臨高
軒銀箭丁丁
替替冷露下
徘徊孤鶴警

焉支調

采采焉支花
對鏡塗朱脣
郎言澹妝好
何用著色新
粉黛自尋常
郎心有遷改
淚眼向花揉
耿耿中懷在
解袖入羅幃
爲郎洗素面
問郎郎不言
階草生秋霰

從常山至玉山輿中卽事五十韻

水勢日東流
山形緬四矗
天險昔王開
行役余懷觸
大末古城陰
陂陀起平陸
蜿蜒出修蛇
窈窕屈荒服
三浙局秦
鍵八閩蔽奧奧
一徑亘江廣
千巖聯楚蜀
舳艫不到處
牽輓飛隼速
百貨競麋至
萬夫紛蟻屬
我來值初冬
詰旦戒

厮僕筭興計便安無勞策筇竹老大筋力衰憑茲勝炙轂
垂帷避夕霧捲幔迎晨旭墟舍散仍聚炊煙斷且續小憩
得草坪欹斜幾椽屋瓦盆野蔬鮮酒旆村醪熟鰕鼠快飲
河一飽時已足行行寒鳥嘯樹樹哀猿逐橘看霜後賴茶
憶春前綠碕田列縱橫疲農勞碌碌亦足給饔餐差堪返
淳樸重關倏屹立百雉誰興築原注中有會關上設城堞危石扼咽喉
羣峯鎖腰腹王路久蕩平成壘空懸膽聞昨沔蓼區妖鳥
滋狂飈潢池已解散渠魁未即戮大吏識機宜要隘嚴稽
督諒彼狐兔羣疇能工竄伏撫時生慷慨望古益慚惡惟
昔爛柯人仙枰閱幾局啗棗得長年採藥思梓穀亦有龍
丘蕞避榮甘抱璞至今行路者猶解指芳躅我生蓬矢志

廿載辭主寶傲骨摧奸頑鏢金遭誹謗頻年牛馬走萬里
無停軸雞肋詎足惜搥頂已成禿以茲浩然去行笈兼程
促寒風刮面來凜凜肌生粟黃昏微雨霏泥滑艱于遙
望市肆門如投鄉井徇得窮一日力衰然見懷玉爐峯與
彭蠡次第入遐矚前途罔愆期旦晚抵家塾雖無金在橐
尚有書盈簞白髮盼游蹤荆釵冷銀燭誓將謀二頃隴上
鞭馬犢優游可卒歲知止庶免辱遠遊不如歸斯言當三
復

諷林招集乳桐軒聽雨懷堇浦謝山

一夜蕉窗雨懷人五月秋江湖生遠夢琴筑在高樓促坐
翦殘燭天涯共白頭遙憐吟眺處冷月不禁愁

茸城訪王澹園明府

復此吳淞路春風短棹餘江寒連海氣潮長入山渠望郭
煙迷戍推篷雨溼書故人官就此間道有懸魚

南屏觀司馬溫公隸書家人卦磨崖

靈山此呵護勝蹟重璫璣言行名臣錄風雲石壁書懸崖
蹲虎豹下筆埽蟲魚若爲鉤摹去鴻都可得如

下湘先寄鏡亭變軒兩兄湘濤弟

湘中清迴地秋半早涼天岸竹滋微雨江花澹遠煙帆隨
峯影轉月趁櫂歌圓五字吟安穩因風寄雁傳

寄二兄變軒

家計仍相累萍飄尙此身三年違俎豆一夢越關津鹿柴

聽樵斧漁塘倚釣輪
回思雞黍夜風雨對牀人

劉檢討元炳

四首

元炳字叔文號碧崖湘潭人雍正癸丑進士改庶吉士授職檢討有碧崖集叔文性恬退散館後卽乞假歸不復出家居四十年里人罕識其面詩集亦未見

秦禮堂明府重新鑿石浦工部草堂賦詩四章卽次元韻

老拋劍外讀書牀
石浦維舟面野堂
天寶避人成小築
湘潭作客惱迴塘
魚龍夜永因依宿
稷卨風清爾許忙
曠代神交得賢宰
瓣香引動月波涼

南斗依然朱鳳阿拾遺浪迹此蹉跎岸花檣燕風帆迴楚
水楓林客淚多極目湘鱗隨棹湧驚心衡雁際天摩鳴琴
餘暇幽懷在吏隱詩豪一醉歌

草堂心事鬱乾坤一帶江潭憾莫論秦蜀危機餘鳥道瀟
湘古意忽漁村蒨蘭詩句千秋馥星月湖光萬頃吞暮像
紀碑勞好事獨愁清磬發雲門

騷雅扶輪韻事傳葆祠新煥媚湘天栖神似繪瀼西屋供
祭疑分杜曲田漫許山僧敲古碣合教仙令款名賢翠微
罨畫春江迴象管金樽好繫船

張兵備九釣二十首

九釣字陶萬湘潭人雍正癸丑進士授刑部主事

轉郎中出爲江南驛鹽直隸天津清河浙江溫處

兵備諸道有甄齋詩集四卷

中元夜舟阻醴水感賦

白露濡客衣懷愴感遊子念我筮仕後蒸嘗徒遙企今茲
許放還不禁心竊喜屈指中元節定可躬祭祀詎意遭石
尤猶然阻醴水翹首望家山雲昏渺難指嗟我本襄陽先
世家畫里追我曾王父奮發謀遷徙南瞻越洞庭挈家及
季弟締造費經營聿居湘潭始昆季及友于式好忘彼此
季也性恬澹淳樸疾華靡卜宅傍五都田畔課稼耜原注
居五都之田畔在大小兩嘯傲兩花橋幾與鹿門似桓桓
花橋內予生長其地焉先都督志在撥亂世百戰懸鵠印原注
部以軍功歷官都叅

航海衝屈市

原注公會泛海至日本安南營賀

交遊縱揮霍千金等塵矢

獨憾似續艱救老乏麟趾螟蛉祝式穀卽我王考是王考

性純孝事事善仰體瞻依膝下情無異屬毛裏結念志雲

霄鎗火研經史丁卯領賢書

原注康熙丁卯祖領鄉薦

一舉光門第琴

鶴宰登台清聲頌郊鄙

原注公歷宰仙居文登有惠政

隻身承兩焉七派

一支起敦本與穀詒懸額耀堂庀先君屬長公博洽書百

雉壯遊吳越聞名流盡倒屣

原注先君曾與近門世父暨方望溪何杞瞻諸公爲詩文

友上窮响嶼碑遠考秦漢時詩吟黃鶴樓賦貴洛陽紙高

才貢成均異藻歷多士

原注雍正癸卯之歲先君選閣脩貢冠楚多士時鈞亦與選拔

先輩聯至今在人耳

原注靈臯先生輓聯有聞侍學問尋推前輩特達功名敗後昆之句

年搆佚老延攬山水美著述富棠灣儼合前民軌天平何

大忍遽促歸。瑞陞忽忽又十載。音容尙伊邇。泊我凡四傳。
幸藉祖考庇。烏裘餘澤長。瓜瓞蕃莫比。自歎雖通籍。繩武
愧珣珥。水原本本思。感悼烏能已。窮簷當今夕。尙克獻酒
醴。而我遠歸人。仍未薦一匕。思極靈爽通。夢寐恍依倚。浩
歎與誰言。明月照沙汜。

眺象山有感

神仙非所期。富貴亦奚慕。今來見象山。不覺慊幽懷。山爲
陸子靜。當日讀書處。其中轉平曠。絕似秦人渡。土肥多良
田。泉石自迴護。雲霞倏忽更。綺譎目未覩。我欲從之遊。依
巖搆塵囿。短籬栽名葩。低簷植佳樹。傾囊買異書。考訂無
舛誤。暇成一家言。雜以詩與賦。身心藉檢束。聖賢時對晤。

無榮亦無辱何怨又何妬抱膝發長歌怡然忘朝暮此願未易遂欲別還沿溯

望彭湖有懷陶靖節先生

曉起望彭澤浩然懷先民高風與清節尤愛柴桑人一官等敝屣奚足軈乃身決計賦歸去日與松菊親抗志羲皇上并不枉周秦家無擔石儲而自甘清貧書不求甚解琴但領其神高吟乞食詩醉著漉酒巾想彼方寸閒落落皆天真兩晉多騷達動作務奇新或以風流貴或與老莊遊操行不一軌孰若先生醇既弗露圭角志節仍得伸門前五株柳自表高晉臣矯若雲中鶴健比歲寒筠心折深景仰玉京青嶺原注玉京山即栗里陶自詩云晴窗望玉京

大洋步卽事

攀登隨處好移艇傍平沙土阜約千步居民無十家市頭
魚米賤籬落豆蔬賒爲愛風淳樸依回到日斜

泊河口

風物晚清妍耽涼未就眠醉來忘是客官去散如仙遠火
沙頭市殘霞水外天王宏在咫尺不肖受人憐原注時殷
步公宰鉛
山未過一
刺故云

自貴溪早發抵安仁

畏暑甚於虎雞鳴向錦江原注江多錦石
故名屬安仁誰爲憐楚客我

自臥吳艤新月吐沙浦殘星照水窗行行天欲曙遙見碧

峯雙

原注華山張古
二山皆在安仁

新喻舟次卽景隨簡臨江綏九畹刺史

溪山初過雨草樹晚含陰客子興不淺故人情更深愧無

青玉報空憶白雲吟

原注予與綏同事他日湘潭曲相思西曹署有白雲亭

託素琴

渡西興望蕭山

堞樓高插晚雲昏霸業雖空王氣存山勢北來連百徼江
聲東去接三疊脂殘吳女猶留像煙冷蕭公尙有墩約與
杭州風俗似烏蓬紅袖最銷魂

七里灘道中

果是嚴陵景最幽水迴沙轉任夷猶溪山滴翠初過雨草
樹生涼宛似秋得趁好風閒倚枕偶聞佳鳥更回頭前灘

入暮蒼煙重江上難尋五月裘

舟次簡謝葉心一方伯

辛沐 天恩得放還蓬窗
回念淚潸潸五丁忽闢巖叢坦
一氣潛嘘黍谷暄知我那能忘
鮑叔買絲真欲繡平原高情
厚誼誰堪匹湘水茫茫接故園

自睦州抵蘭溪一路紀事

茫洋何地可躋攀且詠新詩備訂刪
土俗信神常祭野居人畏虎日燒山
雨多卻喜無妨稼吏美還欣可化蠻
自笑憂時心尙在江湖初不異朝班

泊蘭溪

田田穀水漲沙磯羈客重來意覺非
候柝不聞津吏少家

山何在故人稀空餘江鳥陪孤腹贏得溪風拂短衣世事如棋成一笑自吟新句對斜暉

· 抵定陽將捨舟登陸爲賦長句

背牀曉起拂征衫作別錢江十幅帆何處看棋消永日幾時採藥荷長鑱川原已喜多新詠風俗還能悉大凡獨怪輿人太催促未遑一至讀書巖

原注趙清獻公讀書巖在常山

定陽旅舍卽事

百載昇平歲月舒山城烽靖慶安居雞聲脂膊日方午天氣炎熇伏正初何用白衣頻送酒爲耽青嶂暫停車文襄功業昭今古

原注謂戴國先生

搔首臨風思有餘

· 舟次暑甚飲黃溪南廟

到處能教耳目新一杯野寺任閒身笑他河朔徒誇醉談
爾公榮不擇人眼底久經忘德怨胸中別自具冬春愚恨
那識清狂態認作神仙謫世塵

北宸寺小憩

無計長天可引涼花宮隱隱隔垂楊暫拋東郭烏皮几來
訪南宗青豆房兩盞飯消雲子潔一甌茶泛月團香倦時
隨狂堪欹枕不用頻移倦客牀

十六夜口占

水驛山郵不計程孤檠照影酒杯傾醉來欲作還鄉夢懊
惱空灘一夜聲

又絕句

一蓬夜泊古樟潭樹挾灘聲風雨酣忽憶兩株遮故宅綠陰如幕隔湘南

自南昌抵豐城卽事成句

欲乞茶經與水經卻從何處叩巖扃拂衣且上秋屏閣飽看香爐百尺青

自新喻抵袁州

山成島嶼水成汀一路禽聲引客聽兩日清遊誰最好紅

陰亭與綠陰亭

原注紅陰亭在袁州綠陰亭在新喻

張襄陽瑗二十三首

瑗字昆石一字晚聞湘潭人雍正癸丑進士改庶吉士出爲襄陽府同知昆石先生於兄弟行次第

五幼穎慧過於諸兄入翰林時年五十有二矣桐
城方先生苞方爲教習以古文老宿相推許一官
落拓非其志也歸後日與兒聚閉門讀書上下議
論有時賓客滿座發聲如洪鐘座上無敢謦欬及
見湘門先生則拱手默坐聽受惟謹詩才亦不減
大理末易伯仲

以詩代簡寄魯亮儕先生

曙雁叫寒江分首東西船屈指數別期忽乎及三年欣聞
愈矍鑠飄飄畿輔仙走馬見天子下奏奠民塵溫語承恩
尺嘉聲徧河壖丈夫濟時心奚論擇所便四海今無家君
恩其忍捐賤子栖漢濱歲月坐徂遷鹽車甘受絆泥牛不

任鞭行歌且長謠悵遠道縣縣疇昔良宴會相失各風煙
交情顧歲晏誰復記細愆得知從茲去相見是何緣昨日
阿咸來把袂一潸然寒鐙燄悄悄缺月影娟娟公心不我
遺我念已盈千此邦莫肯穀舊里仍無田陟岡懷愼死比
烏名信天公乎知我者鬱抱因聲宣願言同難老歲歲寄
新篇

辛丑元日述哀

繫昔母生余椿庭日已暮時平寄粗官漫漫卽長路顧憐
襁褓兒揮涕理行屨抱痾出國門寄書載其孥淳俗爲政
閒終南足指顧白注先人
令蓋屋持頤山色佳鬱然鄉國慕膝下
五男兒遂初行可賦白日倏西頽陰雨血哺噉啞啞復飛

飛歸來尋舊枝舊枝何處飛
神明默扶持鸞鳳綢繆盡百
鳥息矚窺辛勤三十年兼父
尤兼師婚嫁一一成鳥鬢久
如絲我生癡太甚五歲不離
抱愛憐少子心失怙倍慄慄
七歲就外傳十歲強探討十四齒邑校二十膺上考三十
從宦游挾冊車馬道舉揚九不收一得同牛阜自注丁酉列副榜
淮上奉板輿承顏無愠惱昨歲槐花黃扶杖猶深禱溯自
癸酉歲母年四十初仲兄最少年簪花拜庭除拜罷母一
笑一笑還欲戲萬里還歸日忽忽七年餘誨兒幸策名好
獻金門書次第望諸兒能大先人廬繼繩方茲始莫令志
業疏讀書宜山中各勤爾居諸遠巡周年季兒歌鹿鳴
聯翩上公車歸家晉壽觥一堂何雍雍漸添膝下丁叔兄

才名盛蚤歲期大成戊年舉鄉闈領首了不驚從此各飛騰去去聚上京仲兄令畿輔撫字凜冰清季兄官中禁倖直聲琮琤叔兄無所爲坐上傾公卿一時國門中母教金石鏗賤子息桂叢將母一至邵筋力始就衰旦夕事醫藥春來慶壽康團圓一云樂默思二紀前清署宛猶昨甘旨性泊如惟云風土惡儗裝霜滿天別淚尊前落星幾甲子周桑榆景漸迫秋香又拂庭孫枝振健翮縑緗傳三世里巷亦嘖嘖八九見諸孫門前多賓客設悅開賓筵未付厭勞劇顧茲室家甯翻忘頭上白仲兄遷膠東色養三年隔願久奉歡娛匆匆憾在背舟車四千里遠道猶色喜耳目自聰明行坐鮮傾倚晚節教愈嚴一編易寸晷好言警

箴勸民但飲水又厯婚嫁念忽忽難久此吁嗟嫂病惡一

戰竟不起痛搗弱穉歸耄母誓終侍入門一長號孺慕綿

橫流自注先外祖母無嗣自己酉歲相依至丁酉年八十

者累共命五十載脈脈數從頭同樂嗟遲暮不足償同憂

當時風雨夜刀尺不可休至今孩提衣再世抱孫儔報德

宜兒曹歲月去悠悠痛絕無兄弟空餘土一抔年來骨肉

傷老淚霑衾裯塋域各相望自注自辛卯至

繼母也劬勞甚兼之憂患自注諸兄各遠宦而食日經

語不孝云古人謂貴不如容粹食益減寢輟神不完三年

趨庭聞形影一子單不願三公養生別多心酸人壽能幾

何長恐見面難年年養志乖飄泊各西東慨念清白遺食

德田晴豐一從落塵網千孔如贅蜂仕宦亦何榮聊且報
所襄嗟哉吾叔兄教身方奉公一心抱區區乃驟嬰禍凶
幾子守磨蝎行年忽四十少小易科名富貴何階級詩書
父兄恩頗願能自立可憐愛日心願賦臨風泣昨年方上
春母體猶安便入夏苦噎咳但疑陰陽愆忽歷三時肺
病久纏綿消息隔千里怵惕迫憂煎孰知七旬別永痛呼
終天母也夜三歎倚闌空眼穿生男亦何爲各各去膝前
遺形目難瞑終爲顧復羣孤兒一綫心萬事付蛺蝶婚嫁
畢稍稍踴躍從黃泉

立秋後賦詩

退閑蟻蝨臣仰天祝

聖主聰明自天生壯脊聞天語

十載宵旰心端期咸三五明年大蠲租仁恩豈小補先天
天弗遣引領物得所

人生有定分知足得自由少壯昧身計况乃桑榆秋長貧
生道心閉戶與天游古訓列左右忘言相獻酬賸有千年
興誰爲百草憂新雨誠未足煩暑良已收雲日成交往鐘
火結綢繆

層霄結沈陰暮收正司令傾耳無囂聲候蛩發清詠嘗聞
木客吟亦自堪入聽佳人渺何許白雲不可贈雲中雙飛
鴻沿瀉得其性離羣惜往日高唱更相應郊藪有鳳皇斂
翮起欽敬

姪孫祖橋生日賦詩

我生十九攻文章兄弟聚首僧東廂爾祖學成不蚤達引
我藝苑同迴翔前後八年更五寺比景老死何能忘惜哉
幼學昧根柢焉用歷試誇專場修業及時時不再坐擁千
卷徒慙惶老馬不如童牛惜旦日詎比宵鐙光爾生今年
亦十九崢嶸頭角趨尋常才分當許中人上器藏獨出諸
孫行紛綸經傳知梗概藻采詞賦嫻鏗鏘如斯宿根誠不
易爲子蚤計言之長吾家先世起耕讀忠厚正直延餘慶
三世一門登十榜不競累若珍縑細勤劬二老懽喜地淑
異終日無何鄉歲歲昇平足歌祝年年高樂樓相扶將興
懷少小景光晚期爾繼續箕裘良三年五年臻變與千里
萬里馳康莊

庚申初冬夜巡之明日賦詩三首示襄中人士

歲豐胡不樂撫事費量評未得歌襦袴方期拾杜蘅短襟
風瑟瑟遲日影熒熒談說蒲鞭理吾非諱近名

出處心何著謀身欲斷癡高科成晚景下位值清時有境
虛登涉無朋慰渴飢偶然叫囂靜低枕晝窗宜

盛事曾聞說山河共此天里誇冠蓋美人樂父兄賢衣食
應知分刀錐漫放顛耆英妙何許憑弔一潸然

東李端友

唐日秦公緒明時謝四溟住山清且苦玩世醉還醒舊業
無三畝全家守一經結交二十載脈脈念芳型

同二兄泊舟袁家河

巖風吹浪急在渚泊舟平寂寂岸燈盡蕭蕭夜雨鳴良辰
終不老芳草故多情何日祛塵累春田取次耕

輓李端友

生而無籍在天賦與狂疏盡道性成癖誰知腹有書安貧
元浩浩息死謝遽遽三紀空追憶雲深處士廬

陳學田婦弟賦感懷詩送永兒謁選次韻二首

短櫂歸何晚

自注去臘歸自明江書院

長吟興未闌出門風色厲閉戶

雨聲寒苦憶千山遠難期萬室歡向來憂樂淚振觸一雷

翰

碌碌無成事悠悠及暮年舊交多悵望情話暫畱連已負
青山約能無素業傳代耕望吾子政拙是能賢

沐陽道中次治姪韻

策馬西風木葉飛，倦遊聊喜稻魚肥。
且當皓月消村酒，莫畏輕寒透客衣。
十載關山勞遠夢，五湖煙景好同歸。
故園猶隔三千里，愁見黃雲鎖翠微。

和廖樸庵春日絕句原韻

裁紅暈碧句頻拈，選伎徵歌勝事兼。
我自塵襟開未得，嬾延芳色入疏簾。

花開花落信東風，春暖春寒午景融。
卻愛綠陰深掩後，坐吟行醉夕陽中。

遨頭韻事畏游盤，節物方佳興易闌。
莫道風光麗如許，夜深猶有萬人寒。

先春三白慶時清樂歲歌同出谷鶯少減尋芳看麥秀兒
童村茗許邀迎

舟中雜詠

水雲鄉夢故人顏需次多年鬢未斑我抱癡魂猶墮羶君

偏豪氣亦闌珊

自注夜夢以公車入都晤秦偉士云需次五年資斧頗艱余探囊以十金資之偉士

沒於龍游官所十年矣

晴日只聞風浩浩春江未放水漫漫長年憐汝沙吹面百

丈橫牽上急灘

莫怨江頭老北風南來北去一般同世閒苦樂都相代誰

道天公不至公

贈燕

燕燕歸來有舊巢
朝朝暮暮語啁啾
卑棲不是飄零日
莫羨翔雲鳳九苞

楊通守琨一首

琨字玉似一字季友新化人雍正癸丑進士改庶吉士散館改禮部儀制司主事降光祿寺署王出爲施南府通判先生與外大父毛府君交好因以其女歸吾舅氏余少時習聞楊孺人述先生出處本末家世寒素獨發憤力學通籍後猶日夜手一編明暗不釋如老諸生也性慤直旣改部映映不自得其由禮曹降光祿亦以耿介爲忌者所中暨通守邊郡益無可展布久之卒於任未竟其用爲

可惜也先生偃蹇閒僚身後淩替已甚其孫大軒
命卿與余兄弟善孤露食貧傭力養母舉嘉慶辛
酉鄉試卒於京卒前數日仲兄雲渠夢其衣冠來
云將有遠行以老母見託末幾訃至方謀商之同
人經理其家會其族有尼之者遂不果此事吾兄
終身病之嘗云負我死友時恨恨於懷不釋也

建平署中感述

案施南有同月亭俗謂
太白謫夜郎卽其地也

夜郎天萬里一笑不如歸地僻居民少官閒壯志違文章
將底用身世未全非問月時呼酒吾將老釣磯

徐武選日毅

一首

日毅字健少號對廬益陽人雍正癸丑進士授兵

部武選司主事在部時閩督咨康熙初臺灣軍功
應襲者七人部牒失考會康熙中有黃捷等二百
餘員不應孖襲之 旨部議擬以咨駁往復辨詰
迄數十年不結部堂德沛公以委劉廬對廬乃請
國史檔案日入 閣稽核逾月遂明先是七人
中有暮夜請者對廬厲色呵之及稿定其人乃不
應襲衆爲瞿然官兵曹不久以病歸卒

次王明府會遊裴亭歸集望陸軒元韻

裴公芳軌孰齊名老樹荒江次第行臺榭憑臨饒麗事絃
歌唐載集諸生西溪煙樹東城月一夕風光萬古情列坐
華筵侵夜永長楊誰是賦皇京

楊金壇景曾

二首

景曾字幼清武陵人文敏公弟乾隆丙辰進士金壇知縣有滋蘭堂集

寄懷少韓兄南豐歸里

沙隄舊擁將軍樹旄節旋登太宰堂盛事忽隨流水逝鳴琴今識姓名香三年治績空懸影一夕春風換素商勁翮不因摧折變韋門猶欲看翱翔

楊花

風流舊識雲和殿爛漫真吟白雪璫嬌簇謝庭春絮起根依漢苑趨塵眼飛揚天地隨空濶點點泥沙卽歲年可信飄零與輕薄長餘高翥句清妍

曠山長敏本

十首

敏本字魯之衡山人乾隆丙辰進士改庶吉士未授職歸不復出以經學教授里中爲嶽麓山長最久著述甚富有峒嶠集學者稱峒嶠先生弟敷本字遜之丁巳進士授寶慶教授與兄齊名有集未見

祝融絕頂

上天無梯鉤御風摩天遊窮高高無極青天壓我頭天門不可入高臥辭喧嗽席地作茵褥幕天爲衾裯詰朝浮丘子爲我辨晨羞我欲結香茅於此置小樓旦夕叩闕請康我同袍儔

同諸友人遊衡山宿上封寺

天風高楚甸勝遊及杪秋萬里無纖雲千山丹欲流瞻途

屢所經今焉多所酬異境賴同人博古精探搜

原注時同友人搜屢

溯古蹟始

向來鹵莽過直此一來不同人競促駕莫言磴路

悠

自注時有中途欲返者

非天生不平安能高絕儔一閤齊賈勇遂

乃到上頭先所不可升回視皆甌窰晚憩上封寺霜風侵
肌適晨登望日臺霞光漫十洲星辰從山壓天地共水浮
東瀛扶桑爛團團吐猩毼洪爐工鎔鑄陽精五色稠諸君
咤奇景欲去還遲留遊嶽等閑事茲遊無與侔

過洞庭

滄茫憑一葉身世等泡漚雪浪翻秋色青天寄客愁乾坤

歸混沌日月共沈浮只有君山在湖光不到頭

登祝融

界斷紅塵接混元低頭一米是中原千巖膝下排孫子四
嶽天涯老弟昆應有潛龍蟠地軸好憑清磬叩乾門還餘
腳力窮峯頂絳闕隆隆信手捫

底須生翼便翺霄咫尺瑤宮徑許朝臥榻枕應連帝座齋
廚水直挹天瓢瀑轟上界疑傾漢松栢遙空欲拂杓明月
齋肩星落掌孤雲兩角詎云高

自註孤雲兩角蜀山絕頂之最高者

望日臺

萬丈撐空俯大荒南天生面獨堂堂山將日月供吞吐水
泛乾坤入混茫下視星芒垂碧落平看鳥背負朝陽塵寰

望去真如螳楚澤稀微濫一觴

觀音巖

嵌空石壁劇森森翠篠蒙茸盡綠沈雲盪南天晴亦晦山
銜白日晝恆陰萬年松不滿三尺六月雪猶深十尋熱退
幾教流汗反吳航燕轍欲灰心

開雲樓

文章吏部特雄豪麋子隆樓切九阜埽翳懽同除縛吉見
青喜似接郊郭江山幾許千秋憾專據客公百尺高學步
十年漸六一瓣香憑弔怯揮豪

嶺九仙觀

有引

東坡有嶺九仙山詩山疑在臨安或云在密州諸城南

陽彭禹峯題九仙觀詩又云長平山中九仙臺九仙之名殆不一顧仙何獨限以九也偶憶坡詩爲次其韻

仙源錫號孰傳真幽絕應輸此地春辟穀浪聞赤松子白

衣親見李山人

白註開山道人李常庚有仙姿禹峯贈云靈武君臣君莫羨長源終是假仙人

泉號竹逕醒清夢月朗斗壇現妄身九老何妨增作十碧雲深處擬投輪

白雲寺

白雲堆裏白雲寺寺裏堆雲雲外幽偶入寺門忘出寺野心應被白雲留

伍淮安澤梁一首

澤梁字惠遠號更齋祁陽人乾隆丙辰進士授禮

沙洲志卷之六
部主事歷官儀制司員外郎江南潁州淮安府知
府惠遠兄澤榮字蔭遠雍正丁未進士官寶坻縣
令弟澤概字庇遠乾隆戊午舉人官南部令兄弟
皆有時名詩均未見僅錄淮安近體一首偶爾應
酬之作未足爲軒輊也

涪溪次曠齋之太史韻

漫郎刺郡涉艱虞乞得閒身寄奧區舊宅久荒徒有籟清
溪歷劫尙稱涪瀛洲此日來佳客華表千年屬故吾回首
宦情都是夢山中遊興莫愁孤

張郎中汝潤二首

汝潤字栗夫善化人乾隆丙辰進士授刑部主事

終吏部郎中栗夫舉雍正乙卯湖南鄉試第一甚
有文名昆明錢南園通政豐其受業弟子也通政
以直節聞於時其視學湖南也嘗招其子雋思入
幕襄校雋思辭不往時論賢之雋思歲貢生亦有
文名

登道鄉臺用晦翁定王臺韻

孤臣還見逐風雨夜帆來一宿曾無地千秋竟有臺江光
如練渺嶽色共雲堆往哲吁難見茫茫覽物哀

關山

東下宜春亘眾山

自注山自江西袁州東來

中開絕徑塹長關一丸可

閉金墉固萬劍齊攢鐵壁環古戍戈鋌銷礪底清時雞犬

關雲閒承平郡復談天險跳馬前來只等閑自注下有跳馬礮相傳爲

漢關侯遺壘

鄧通涓泌科一首

泌科字潤千號碧泉常寧人乾隆丙辰進士官甘肅通渭知縣未抵任卒碧泉初以拔貢舉雍正丙午科充四川乙卯鄉試同考官詩不多見

登雲麓絕頂

層城隔岸枕湘涯雲麓峇堯半面遮曉日晴嵐封萬壑暮雲春樹映千家昂頭擬摘長沙子引手時招碧海槎正欲高談驚上界山僧新焙紫茸茶

聶鎮安燕二首

熹字印，有號環溪。衡山人。乾隆丁巳進士官陝西鎮安知縣。卓薦調鳳翔。丁外艱歸。在鎮安最久。力行社倉，設義學，教民飼蠶，種棉。縣大治。陳文恭公方撫陝，稱其學有實用，造福地方，治行爲關中第一。祀鎮安鳳翔名宦。衡山志入宦業理學二傳從祀鄉賢。詩不多見，僅從方志得三首。

同人步月城西南至東門文昌閣

崖谷光若曙，驚嘯棲鳥眩。圓景升海壖，清輝滿山縣。野曠青氣清，雲收遠峯見。墟里豁幽陰，秋豪矚葱蒨。層樓結修影，飛霞有餘綉。境幽各成趣，興往難爲戀。華志感流年，三五馳光變。長謠寄情素，持謝青雲彦。

庚辰中秋偕諸生登雲峯講舍文昌樓

吾愛二三子步月來講院院中讀書聲聞之生歆羨於時
正中秋明月當中見攜手上高閣少長相後先餘光映澄
江俯視真如練念昔汨湘遊几席羅羣彥相憶儼同堂相
思阻異縣何當插兩翼棘闥看酣戰人生快青雲有道恥
貧賤勤者若固有倚者徒畔援苦矣文昌神那能開方便
月澹神無言起予藉狂狷

題零陵薛孝子廬墓圖

零陵孝子旦夕哭骨立心樂形影獨可憐兩度居廬人如
此寒暑變遷六墳前孝筍欲成林樹上慈烏棲已熟幾人
好德圖形容幾處讀詩廢莪蓼我雖未遂庶見思披荆棘

然慘心目孤生，軒然衰經中黃泉。無路可追逐，馬鬣封餘
側。旬歸荒冢，何曾伴一宿。嘆公至性迴絕人，孺慕真能殫
頽俗。捧向丹墀動九重，會建二闕傍山麓。

丁編修一燾一首

一燾字晉昭，衡陽人。乾隆丁巳進士，改庶吉士，授
編修。以養母不出母歿，哀毀甚，未一載卒。

宿銀象山莊

大雲山口暮雲烝，鳥道藍輿款款升。蝸舍廉分蠻一角，螺
峯山出篆千層。星明竹樹垂芳橘，霧宿瓜壺抱老藤。爲憶
避秦人，故在桃花滿洞亂春鐙。

沈湘耆舊集卷第八十終

沅湘耆舊集卷第八十一

新化鄧顯鶴湘臯編輯

長沙毛國翰青垣校訂

周給事燾

十七首

燾字迪循一字桐圃茶陵人乾隆己未進士改庶
吉士授編修擢御史稽察大通橋倉場彈劾不避
權要已遷刑科給事中改吏科以乞養歸掌教獄
麓有愛蓮堂集杼詩不多氣味幽靜皇雩諸老風
流未沫先生又親受業石原固宜其無慙雅旨然
先生終以氣節著不必以文辭重也

長沙陳編修
士雅云先生

居諫垣風節侃侃一日挂彈章者十餘輩要人則
目先生不安其位遂乞假歸不復出怡情邱壑者

數十年其直道不
回儻然高寄如此

初伏日閱瑾姪札喜其得師寄示四首

薊門春夏閒楚澤魚鴻絕有客來湘上細將鄉事說洙江
書院成門牆高且潔融峯夜飛來千嶂兒孫列君家有從
子春風洪爐雪此語真可喜余聞疑未決昨暮得爾札爍
石燕山熱閉門把燭看狂舞還嗚咽

丙辰初遊宦吾兄惜握手庚申歸省覲吾兄歿已久寸斷
鵲鵲腸血淚和卮酒失學哀孤雛疑義爲汝剖汝時在苦
塊無心窺大酉臨穴別吾兄疲馬嘶風走弓冶無傳人耿
耿余心負

我家世清貧所業惟章句章句非雕蟲汝豈知其故周末

斯文煥麟經旨左註浸淫逮秦漢迭起遷與固中間稍淩
夷韓歐森軌度作者各名家根柢總不悞流風此後微場
屋工學步學步莫深論斷港江河注

汝師聶環溪笑顰皆法服古意發爲文神鬼持杼袖汝從
牆外觀應難辨方幅勗汝嚮往志取法毋碌碌潺湲雖細
流歸海亦云速汝父臥荒隴汝叔耽微祿熒熒欲誰依汝
師賢汝叔永夜念所生母徒勤句讀

甘雨行贈州牧戴公層巖

有引

公以丁丑十月籤掣州缺本年五月二十二日抵任時
方亢暵次日澍雨咸以爲異

南楚五月苦炎熱金石灼焦土山熱雲陽千樹待枯槁一

綫沐江淺且竭 天子惠我神明宰煦嫗黎元意諄切征
馬衝暑到城下我聞仁言心膽悅告公亢曠不爲憂應有
甘雨隨車轍徐郡淮陰事可數循良何必專前哲公笑此
語大荒唐造化有權誰能竊旃旌行行入晉來亭午無雲
猶赫赫我時病熱宵不眠赤腳披襟觸蚊蚋颯涼風天
欲曉嚶嚶晨雞曉更輟檐頭倏忽長河傾砌底激澌寒泉
冽祛煩底用燕臺珠解渴漫思陰山雪此時頓吐喧笑語
共道年豐當預決我公到此纔停車蚤迴江湖滲眵眼連
畦已漑禾黍滿四野乍洗松筠潔但憾公馬來何遲使我
翹首月幾闕神京迢遞五千里頻望油雲懼虹霓而今我
輩但歡喜長待恩波澤疲茶

壬申嘉平生子志喜

寒天旅館泣呱呱笑啟閒門自挂弧
鐙作繁花連夜灼鵲如巧語趁人呼
向平婚嫁年來畢陶令田園日漸蕪
祝汝他時生事好春疇努力答勞劬

生兒匝月客有枉車騎相賀者聊賦長句致謝

天涯骨肉已三旬嗔喜頻看稚子眞
顧我將從愚谷老笑兒猶見帝城春
草開曲徑銜葱珮鳥噪衡檐睨畫輪
粗糲淹留吾豈敢九衢鐙月或宜人

次韻和章容谷掌科並舸還鄉之作

自注持微雪初晴同在張家橋

舟發

雪岸晴烘百草春江潭回首卽

楓宸久叨榮祿全無補

敢道林泉宿有因親意蚤知今日事自注章作有君歸

天恩畱得舊時身

余幸自注時在事者將甘心於

聖慈格外曲全驚飛獨羨冥

鴻好數澤何曾見弋人

自注章宦况方佳

舟次詠瓶中白丁香花

姿韻應須勝素馨
筵前玉骨自婷婷
開愁獨向春風結
芳意如催旅夢醒
過幔鶯囀春滿座
聯舟客醉酒盈瓶
故園花信今何似
仍隔雲山憶戶庭

雨後強步偶憶袁陳諸故鄰用前韻

圃外頽垣一逕連
林端積雨幾家煙
花垂紅淚開還落
柳舞青絲起更眠
詞客有情疏彩筆
酒徒何在半黃泉
壯齡此地經過數
把臂旗亭鬪櫂船

題彭啟巖先生遺照

欲把椒漿酹夜臺
畫圖覲面轉增哀
一函遺草生前秘
萬里除書歿後來
自注辛卯初春有慈利教諭之授銓部檄到先生辭世矣
枯梓何曾沾
雨露頽齡猶擬答
涓埃祇因畱得清
標在長似王喬控鶴
迴

舟次開河喜晤朱曉園掌科贈二絕句

自注朱時巡視漕務

百丈牽江去復停
岸花寥落晚煙青
旌麾偏借羈人色
雲水頻看使者星

孤櫂悠悠鬢欲皤
人閒迢遞是關河
揚舫乍喜今晨便已

借莊生一尺波

自注時舟行極滯曉園分站夫相助得疾行

曉園疊和前詩原韻奉酬

喜共仙舟信宿停
絲渠晚對霽雲青
更闌卻憶前時事
瑣闥追隨候曉星

遮莫林閒短髮皤
舊遊回首邈星河
春風鷺羽襍穠處
頻送清音喚碧波

庚辰辛巳閒屢獲唐人石刻
搨本適勁韶妍皆曩在京師時所未見者
感陵谷之迭遷信薄葬之遠識因書一絕誌之

瀾池咸陽白鹿原
纍纍墓誌出人閒
金盃未敵銀鉤貴
泉下誰何久閉關

彭二鳳儕過齋索帖和前韻再得四句

高臺曲沼作荒原
風雨哀吟歟壑閒
萬古殉身惟片石
何

年塌本出重關

祭詹事揚宗 四首

揚宗字賡堂號筠叢湘潭人乾隆己未進士改庶
吉士散館越資補贊善旋以侍讀學士視學山西
晉詹事府少詹事以內艱歸遂不出

秦禮堂明府重新鑿石浦工部草堂賦詩四章卽次
來韻

停橈終日倚胡牀久別成都背郭堂此夕有情留筆墨當
年無主卜林塘浮沈秋浦閒鷗戲來往風帆估客忙誰向
江天雲霧裏詩吟懷古調淒涼

偶駐高軒碧澗阿夕陽鴉背未蹉跎珠聯秀句雄芒吐壁

立豐碑老蘚多一畝草荒堪目斷數章鐙地費心摩月來
蕭寺丹楓杪詩史神來助浩歌

萍浮鷗泛任乾坤老去扁舟孰與論檣燕解憐湖外客風
鐙伴宿浦邊村事關君國心常碎詩壇曹劉氣盡吞早有
今時賢地主忍教飄泊叩無門

重結茅茨續舊傳風光欲似浣花天徐看種竹連苔徑忽
聽燒畚作野田興到自饒工部句情深誰並使君賢獨慚
授簡難爲和誰上春江載酒船

孫安化良貴

六十七首

良貴字隣初號麓門善化人乾隆己未進士歷官
常德府教授甘肅安化縣知縣有麓門文續六卷

墨樵詩鈔四卷隣初博聞強記著述甚富有邃古
質疑四十九篇其論歲差里差氣差考定三湘九
江黃河源諸說多有根據詩有雄直氣不作常語
七絕多邊庭紀事之作所收較多惜古體尠可存

靳河口

迴望昭霞合行看靳口遲寒波明藻荇白石曝鷗鷺遠客
歸何晏逢人問歲時江梅含欲放于役亦知期

入喬口步杜韻

子舍行來近君門萬里賒一身輕似葉兩鬢漸生華市舶
喧朝集江村闕日斜田園蕪尙未聊復就平沙

偕家弟文止曉入嶽麓寺

幽仄還從到同遊暢所經僧披深翠出寺帶溼雲暝寒竹
新炊火霜禽飽矚翎五年矜一見不負看山行

夜聽詹蒼田理琴同杜敘九高紫庭

雲淨窗初白庭空夜氣清香從花外繞韻度竹梢輕誰謂
廣陵逸真傳太古聲移人更秋水寂歷道心生

黃鶴樓雜感

寥落中原大旆寒幾人拔戟可登壇續騷自古歸薌澤操
律何人笑楚冠北地蚍蜉空撼樹虞山蕭艾久充蘭橫流
滄海知何極直下澄清江漢瀾自注袁小修云北地出西
朝詩選多可指
聚故有五六語

迴看九澤接岐嶒題遍江樓十二層牛首山前虛夜月龍

蟠關外踏寒冰自注杜茶村黃景虞俱寄居金陵虎踞關外百年心事違王粲

王一篇一代龍門誤李膺李以篤雲田黃鶴不教故國返亂鴉

無數侶秋鷹

郎官湖上白雲閒西望秦山阻七盤北海幽人空種樹南

樓老子健加餐誰吹羌笛愁如沸自握冰桃實似丹菊井

蒼顏渾兒慣伽山鐵嶺聽初闌自注樓下有百四十三老人湯雲山言勝國熊賀諸

公事妮妮繫盤令人雪涕

馮郎曾不負科名幻入金光夙世情自注維志載京長劍為金光洞主

秋風馳素志自注京未遇題詩樓上云韓信樓遲項羽窮手提長劍喝秋風瀟湘孤注耽

前盟英雄自古憑推轂儒雅於今孰請纓盡掃白雲西極

落蒼蒼鬱鬱拱神京

荆門九塞控三巴蜀棧秦盤詎足誇如此江山雄地肺况
來郢雪豔天葩百年已盡嘯鵑憾萬里齊開麗日華莫倚
桂珠同土價側聞 旰食望謀嘉

送時西巖太守調守鞏昌

渭上屯田漢代良公行遵渚復堂堂山高鳥鼠天青迴車
入魚龍澤混茫攜去光風開翳塞懸來明月照民羌從知
方略關全陝隴石於今已太康

同人遊蘭州五泉次壁間韻

並轡清秋到五泉倒看飛白界簷前幾時飲馬臨諸將一
壁畱人自昔年日落長河明紫霧風生大漠散蒼煙身閑
愛著東山屐故國明來引勝緣

自注同遊皆
楚人宦甘者

漫遊只合枕流泉那復低頭繡佛前
衆歟疊開窮北地一條飛破是何年
週遭勢接千墩戍引灌應增萬竈煙
如此河山愚一覽莫疑佳處近塵緣

次韻和張學使懷古二首

自破樓蘭穿甲還涼秋八月古蕭關堽塗穹室無三世注自

注自

對鉅山非才九載空畱滯
慚說心閒物自閒

蓮池湛湛印清心
涉澗逾涇取次尋
膽落西荒閑臥鼓
文

移北斗靜張琴鷹飛關內蒼原迴狼去中山自社沈謂自空注

謂自注

獨有絳廚開紫塞
霓旌霜曉照駸駸

李副使獻吉

慶陽懷古六首之一

壇接雲陽自注北地地僻遙浮青直上斗山高心知遼海

龍將躍眼兒樺林盜似毛自注空同現學江西人逝中州

餘霸氣魂遊北地亦仙曹誰裁偽體粗豪甚不道神明臟

腑勞自注空同賦稱揚雄詩祖曹植古賦云揚賜曹胃神

李空同

侯馬讀漕橋碑呈張湘帆先生自注湘帆時分曲沃

毀訂志乘漕橋立碑紀之

木落涼生滄氣明生憎楊葉惹秋聲浮雲忽變金山色明

月偏遲沃國城舊史注疑唐索隱新都發難漢張衡竭來

白石臨周道白感斯文息喙爭

張蘭鎮

嵐光如繡水如煙繁會花疆夕照前次寨南征終入汴固

關東去遂乘燕角巾高士誰曾睹青渚

自注太原徵君傳山

先民已

自仙風景不殊領略意綿田禪祀肇何年

自注子推山東介國人非介休

綿人也求之不獲以綿爲田耳

輓李元朗先生

椒漿桂醕酌蒿萊深愧吾非宋玉才欲賦招魂關塞黑中

天誰見少微來

贈百四十三老人湯雲山和沈宗伯作

天上老人自有星翩然被髮下炎垆樓頭黃鶴何年返騎

向蓬壺訪蔡經

附錄鹿門湯老人傳略湯老人不知何許人也居漢陽門下自言生明萬歷四十四年爲楚王府護

軍日渡江營生計以養三旌於朝食俸六品當
事後優恤之常制以潤寡人先是康熙乙未老人
百有十歲出自咸寧山中告於眾曰而齊不為我
請典乎我先朝小臣先哭熊經略楊都堂屈死閩
逆次哭賀閣老死事三廟國變逃山中埋滅姓
字七十餘年矣逮奉聖朝出而受福庶不虛生
爰賜錫爵繼成東下何騰蛟南走長沙涕橫交頤
謝迫脅哀繼成東下何騰蛟南走長沙涕橫交頤
應晴者相顧眙眙而信疑半也既而大言口若曹
年地誠後多所怪耳定秀才聞尚在大言口若曹
是定生九十三矣以貢為訓導與告三十年聞之
扶杖前熟視曰哈啖是為先子故人湯雲山也金
乃尚在巫再拜稠中潘國祚博雅士也與聞雲山
名曰是矣是矣先兄太丘言楚府護軍湯蒼深心
高蹈人也非老人其誰老人笑而起翔步紆容去
頃有訟產者經數官不決老人曰非我莫解遂謁
令於堂曰是天啟七年乙祖某償置某姓也會與
飲醫名令閱乙契良然乃懲甲而判焉始信老人
生於萬歷間者非謾也令因以聞獲旌焉會先
大父漢上歸小子聞而識之越三十年為乾隆乙
丑老人百四十歲余公事滯鄂乃得再造其門見
老人星眉炯目矍鑠如五六十許喜健談談熊楊

第三公逸事歌哭紛若至妖書株陷郭侍郎正域
及槐屯乾兒李魯生典楚學借手誅擊楚上洩憤
清流頓髮怒上指余亦驚聞憤憾而不可禁
次年制府疏請允增食俸五品又越五年卒

三天竺轉靈隱歸湖邊小寓同介山恕亭

寒風吹我上雲岑歸路斜陽落葉深
取青山萬里月中宵鼓棹向湖心

南昌早發

百花洲邊雞一聲秋屏閣上雨初晴
閑雲不散橫南浦隔嶼舟如岸上行

袁州道上西邨

不盡雲岑高復橫扁舟不作看山行
寒崖落葉知多少都入霜空作雨聲

南昌弔王軫石先生

自注名軾定曾王父天孫公執友

公是南州女貞樹干霄老氣振龍沙

自注中年頻走邊塞

嶺猿朔馬

愁何限終向千峯泣翠華

宜城五首

離騷醉讀悲新注魯殿城荒有賦存
獨自詩魂招不得
憤人常狂木香邨

大隄秋半草橫陂冠蓋深憐異昔時
只有清商寫哀怨
至今人唱白銅鞮

水瀉遙從刻木谷

關

雲開遠見夕陽臺

孟浩然築

傷心冠蓋無

消息獨向傭奴酌一杯

杜康墓

局破三分似奕棋運移漢鼎勢難支
襄陽都督新承寵

涕秋風一出師

人自遺危我自安獨憐雛鳳羽毛殘
隆中既出鹿門隱雙檣何爲急下灘

靈武道中

靈武臺尖露草黃木波城角月如霜
桐裙露腳環川女打麥當塲夜未央

砵砵冷子溝西遍圪塆農人哭在田
馬首欲東齊抱腳貸儂三月青苗錢

茶禁新嚴國有刑于裝馱去衛王城
自注在安化邊界單于封衛律處今訛玉
皇懸毛鬼子真無賴陟嶽穿嶽自在行

送朱陽謝五惠疇秦中罷官南歸兼訊聶二涵有同

年

多少秦民太息聲謝公今日委蒼生清風兩袖將攜去故國蘭香有主盟

隴西曉發別明府常熟歸未君

輕陰日散送飛輪沙際微光盪綠蘋別有芳情勞驛使隴頭春色柳條青

道逢徐飛山同年爲談山陰道上

春老千山慘不花信風雜雪亂空華稔知紫塞春光少偏向西風憶若耶

去反經亂山子堡雷雨交作寄家警齋兄

原注兄時宰陰平

人入礪中披霧出馬行山首帶雲冥九迴九折腸應斷三

暮三朝贊尚青

漫說陰平變虎豹，那如壞道感風雷。不堪戎馬相從訊，辛

苦懷人去復迴。

原注：時階州木門道虎食一都蘭。

阿干謁羽林將軍喜聞徐飛山同年言世務詩以紀

之因呈方御史抑堂先生

旗門被褐豈王郎，梅子青時雪未降。舊事南州高木榻，泥

塗白壁忽成雙。

新開五衛已經年，更建諸藩海盡邊。誰向戶庭尋舊略，漢

時明月滿湟川。

指揮若定澤秦蚩，亂渭浮江判度支。別有深心同主父，

原注

謀改土司

為郡縣 蠲蠲塞割及清時

雲邊金馬應南交西望狼煙計日銷未了休還天道缺中天何處有天驕

定西六君子詩

任總戎名舉太原人征金川屢建功卒力戰歿多難龍蛇競未閑刀瘢纛影照朱殷一封詔定身先死辛苦桓桓犯百蠻

拉都統名布登死西藏朱墨黑爾之亂

雄圖已失憾荊軻原注都統入藏過保定懷古詩大業未成悲樂毅雄圖已失憾荊軻遂成讖此憾難消憾轉挪計定元愍先授首至今殊傲隱元戈

傅軍門名清與拉都統同死二公不惜一身誅首禍至今藏人賴以綏靖

白分欖槍膏壑草那知麗日耀豐碑

原注襲一等子爵

平生只計

勤忠孝

原注公爲固原提督時語余曰我世受國恩止知忠孝二字

灑涕河關出祖時

原注巡邊至蘭隨出祖時有赴藏命

和將軍名起自寧夏移守巴里坤死逆虜尼嗎之叛

番戎如墮又卷髦

原注中有羅頭助逆

大將西征仗爾曹慷慨撓鋒

惟報國身殲豈獨爲名高

鄂泰贊名容安癸丑進士兩江總督加內大臣常

以古人自命西征同班定北死伊犁之亂卒踐其

言云

鞭長遏逸未咸劉年少英名惜馬周星隕文昌沈漢海伊

吾鳴劍博封侯

原注今上聞震悼賜祭奠襲伯

班定北名第任楚督時計典良貴膺保薦屢晉謁

訓勵有加言猶在耳而公已千古矣公負雄略視

師時斬降無數死事後上尤震悼重褒卹云

絕域功成天漢外未能生入玉門關殊方日落旄頭出照

見元臣碧血殷

自花馬池定邊一帶行三日抵環川新軍戶口號

清時花馬敢彎弓坐愛鳴琴一榻中今日逢君遊磧鹵鞭

揚領略古秋風

如搗山容滌滌殷

原注頻年早

馬蹏不爲看秋山鳴沙颭颭驚

人眼行近邊城最慘顏

靈武道中口號

千章矮樹翳平邱，萬頃黃畦灌碧流。
未解宋人盈諗諫，謀夫輕說棄靈州。

送索倫征師回次過關見霽景

露幕連溝雪送明，遠空微日上旗亭。
行來岡脊經回首，天在坳峯一處青。

盛暑夜坐詠月示蘭泉書院諸生

歷歷疏星點碧蕤，捲來銀蒜倚南榮。
蘭軒夜靜明如水，戰退炎威打二更。

仙風忽送步虛聲，吹入遙天萬谷笙。
頗怪謝莊誇作賦，何曾心影到華清。

望太白山弔榘葉山人

原注鄆縣李柏

大白峯高積素團
昊天金氣列芒寒
幽人日午纔開戶
倒把秦川一粟看

河東雜詠

晉時唐祠麥飯空
白楊翻覆顛秋風
離離獨有平原柿
暎日迎人別樣紅

明刑教胄古唐都
近代臯夔識得無
除卻河汾惟涑水
明夷尚有司空圖

知幾守道卽中庸
道亢難爲說已容
二郭翩翩豪濁世
神龍終是漢林宗

三裴合敬晉公慶
五柳誰憐荒裔愁
公道自歸韓吏部
誌

碑徵實好推求

版子磯黃靖南祠

見鵬愁自混茅鴟

原注四鎮并稱

版子磯頭鍛羽時
澹澹晴江風

日好夜深陰雨掣靈旗

望九華次男立本韻

山山翠湧削芙蓉萬里澄江九派宗
誰過舊京題漢時司
勳只解說三峯

行來秋浦見名山方岳嵩衡伯仲閒
不省何年駐飛錫香
花競演度晃頑

祇言淨域散空香儒雅誰尋古戰場
有約還來玩鋪海行
當鄂壘氣堂堂

吉陽湖

皖城西上借東風極目洪波水正東
忘卻江天空復迴吉陽湖看藕花紅

龍坪

老大舟還憶昔遊山光無恙水東流
如何異代同聲客零落高名歎未休

原注邑先正明張長人湖老歎國朝金會公垂老歎

蕪州

水次漁歌雜管絃江城省識吏如仙
何人自感春陵興正德應如大歷年

原注正德中王宗伯延相有代蕪民謠四章諷當事

白門紀遊二首

去國身如不繫樑犯來南斗問仙家
青溪望斷迷薊渚聞

題將園樹穀花

原江方望溪先生故園昔多橘

關外誰從問落花春明芳樹到江涯烏金蒼草猶能說十

清牆東杜芥家

原注壬午余行虎踞關外二漢軍老人李姓者曰君音湖廣人記幼年時湖廣四強

任北開黃岡江藩杜芥大治別參鄧湘澤黃周星皆畏他

廟強此杜芥故就居也嗣陳太守鵬年來表四老墓今碑圯為石修者移去

鄧天長承齊一首

承齊字資賢桂東人乾隆己未進士江南天長知

縣

東林寺

古寺客初到一僧眠未醒煙光連岫紫草色過牆青鳥睇
門前竹心空案上經歸塗如有獲回首石梁亭

向太谷嵐 二首

嵐字子晴，潞浦人。乾隆壬戌進士。山西太谷知縣。

遊盧峯

潞浦羅羣山，列岫吐清景。茲山峙西南，卓立萬峯頂。出雲復入雲，曲折見諸嶺。尋幽力已殫，接要心獨領。石罅寒泉噴，灰飛丹竈冷。煙嵐縈薜蘿，冥冥失人影。寺古無僧住，鳥曉花氣永。浩然發長嘯，卽此遂幽屏。

櫟隴

我從山下來，不識山中路。山中有白雲，其下多櫟樹。時有採薪人，長歌入雲去。

別給事澤潢 六首

澤潢字中成號星岡寧鄉人乾隆壬戌進士改庶
吉士授檢討歷官戶科給事中星岡官御史時有
敬陳保甲疏見 皇朝奏議今貴州巡撫賀公採
入 皇清經世文編其家乃不知有此疏以無專
集故也

聖駕東巡祇謁

祖陵禮成恭紀六首

三陵崇曠典十載紀重巡 移蹕先南苑環星拱北辰

街仍闢道紫闕自扶輪帳殿三朝禮愉愉色笑親

鳳城馳道直鴨綠大江蟠箕尾分矚遠幽營接地寬璿璣

占斗繫寶業奠崑安載舉朝

陵典休同過沛看

重隧幽宮闕靈阿寶炬明於昭森陟降如在接精誠丹鼎
含龍氣春郊感象耕秋嘗告嘉栗熙事慶初成

簡閱宜農隙三驅縱六軍鶚鷺千隊合箕翼兩甄分武略
申秋令讙聲遏塞雲艱難懷帝業櫛沐敢忘勤

赴愬通重譯歸仁叩九關含生同血氣異域共乾坤有
赫天威播無私聖德存窮邊瞻舜日挾纘比春溫

王會宜圖畫徧歌叶管絃東都崇祀日西塞受降年皞皞
釐風厚繩繩闡祚綿道光調玉燭格被戴堯天

周普安宣武一首

宣武字變軒長沙人乾隆壬戌進士官普安知縣
有詠史六言一卷見四庫全書存目湖南通志

藝文誤屬之宣猷辰遠今其詩亦未見長沙府志
載樊軒擬騷九招二首爲刪節存之四庫存目提要
探史事以六言絕句評論之或一首詠一事或一首連類兩三事不分門目亦不敘時代後先每首之末各附論一篇六言一體古今作者頗少詩家偶一爲之避其難也宣武獨衍至百首以外意欲問道出奇然終不能見長也

擬騷九招

衡回飈兮雲霧霽集霰兮雨靈靈荃何爲兮波瀾漭泔
惴鬱兮憂悄悄朝佗際於汨渚兮夕憔悴於江沼荃菲菲
兮百世師吾令靈氛兮告帝知荃欣欣兮入修門帝詔鸞
熊兮胙汝昆惟靈修之數化兮羌歲暮而知悔納七人之
喻諫兮爰緝贈而速改寵莊辛之諭說兮亟補牢於初敗

授上官於有北兮捷翻黜而不好斥子蘭於氓隸兮孺稚
退而不名沐芳菲兮浴蘭湯思公子兮極徬徨荃連蜷兮
道阻紛微名兮旁午位左徒而浸陟兮踵前武而觀民極
旦招雞澤之典兮夕申僕區之律肆荆尸而噢之兮陳兩
廣而告以民生之匪逸召陳軫俾南旋兮畏簡書於列邦
罔昭睢以執珪兮協謨弼於廟堂朝濟師於三戶之津兮
暮總轡於函谷之陽駐軍節於滹澹兮迎壺漿於涓陽羌
繫頸以組兮俛銜璧而請命荃哀民之多艱兮申約罰而
造令夷咸陽之宮闕兮翦驪山之松楸斲夷陵之大尋兮
雪郢鄢之深仇迎先魄兮出幽都招靈魂兮歸故土荃豫
康兮荆燕流策飲至今樂夷猶

